

**KANTONALNA
PRIVREDNA
KOMORA TUZLA**

**BROJ 7-8/22,
juli-avgust
2022. godine**



KOMORSKI INFORMATOR



**USAVRŠAVANJE ZA NO I UO,
PRIJAVE ZA NOVU GRUPU**



**SEMINAR ZA PRIPREMANJE
PRAVOSUDNOG ISPITA**



**„NOVI LIDERI TUZLANSKOG
KANTONA“**



**“MUŠKA VODA” - OTVORENA
VRATA - OČEKUJU SE PRVI
GOSTI**

Komorski informator

Uvod

Poštovani čitaoci!



Dva mjeseca u kojima se ne može pohvaliti velikim brojem aktivnosti, sastanaka, edukacija, sjednica odbora...

Ipak, imajući u vidu da su u pitanju juli i avgust, tradicionalno mjeseci sa smanjenim aktivnostima, mjeseci godišnjih odmora, nerijetko kolektivnih, onda se može reći da ima negdje prostora i za zadovoljstvo učinjenim. Posebno kada su u pitanju komorske aktivnosti. Da krenemo redom...

Nedret Kikanović predsjednik Kantonalne privredne komore Tuzla, upriličio je posjetu dugogodišnjoj i istaknutoj firmi-članici Komroe. Bio je u obilasku završetka radova, otvaranja širom vrata budućim gostima na Muškoj vodi, Kompleks koji potpisuje privrednik kasim Selimović, vlasnik uspješnih privrednih subjekata "Piemonte" Tuzla i "Ervijs" Kalesija

Kolegica Edina Kurtić rukovodilac Sektora udruženja Kantonalne privredne komore Tuzla, pokrenula je aktivnosti na realizaciji dva značajna projekta koja Komora potpisuje već niz godina. Objavljen je Javni poziv za usavršavanje predsjednika i članova nadzornih odbora i uprava privrednih društava sa učešćem državnog kapitala. Počelo se sa prijavama i formiranjem nove grupe polaznika.

Paralelno sa ovom aktivnošću, Kantonalna privredna komora Tuzla uputila je obavještenje sve zainteresovane kandidate kako počinje formiranje grupe za organizaciju Seminara za pripremanje polaganja pravosudnog ispita. Datum početka seminara će se odrediti nakon formiranja grupe a za očekivati je da će to biti početak novembra 2022. godine.

U navedenom periodu, Kantonalna privredna komora Tuzla je u saradnji sa Kongresom Bošnjaka Sjeverne Amerike i Privrednom komorom Naples Florida iz Sjedinjenih Američkih Država organizirala prvi ciklus programa za mlade poslovne ljude pod nazivom „Novi lideri Tuzlanskog kantona“.

Predstavnici Kantonalne privredne komore Tuzla boravili su i u Novom Pazaru.

Nakon perioda smanjenih aktivnosti, oživljavamo nastupe na sajamskim manifestacijama, pozivamo naše članice da se uključe u zajedničku postavku, pokušavamo otvoriti što više mogućnosti za prezentaciju i promociju, proizvoda i usluga naših članica.

Kada su u pitanju članice Komore, ovaj broj Komorskog informatora donosi informacije iz Nove banke, BH Telecoma, Virgin Pulsa, Proinspekta.

Komorski informator za period juli-avgust 2022. godine, donosi još niz zanimljivih informacija o aktivnostima u Vladi Tuzlanskog kantona, problemima farmera, oporavku tekstilne industrije, primjeni elektronske prijave za carinjenje roba, proizvodnji struje, uvozu, izvozu, ukidanju carina na uvoz el. automobila, uvođenju plaćanje parkinga putem mobilne aplikacije u Tuzli.

Značajno je pomenuti da predstavništvo njemačke privrede u Bosni i Hercegovini (AHK) kao nositelj je licence za provođenje edukacijskoga programa za osposobljavanje energetskih menadžera, organizira standardizovani program za obuku energetskih menadžera EUREM European EnergyManager.

Sve pomenuto nas navodi na mišljenje da nije bez osnova preporuka da se prelista i pročita Komorski informator Kantonalne privredne komore Tuzla za juli i avgust 2022. godine



Komorski informator Sadržaj

KANTONALNA
PRIVREDNA
KOMORA TUZLA

KOMORSKI INFORMATOR
BROJ 7-8/22,
juli-avgust
2022. godine

IZDAVAČKI SAVJET:

1. Nedret Kikanović, član
2. Elvir Salihović, član
3. Izet Džananović, član
4. Suad Selimović, član
5. Edina Kurtić, član

REDAKCIJSKI KOLEGIJ:

1. Nedret Kikanović, član
2. Almir Mešić, član
3. Edina Kurtić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

**TEHNIČKA PRIPREMA,
REPRO I ŠTAMPA:**

GRIN d.o.o. Gračanica

ZA ŠTAMPARIJU:

Hariz Altumbabić, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	Usavršavanje za NO i UO, prijave za novu grupu	4
	Seminar za pripremanje pravosudnog ispita	5
	„Novi lideri Tuzlanskog kantona“	6 i 7
	Postanite energetske menadžer!	8
	Moguća saradnja Novog Pazara i Tuzle	9
	“Novi provozni kompjuterizirani sistem”	9
	Poziv članicama: 4 sajamske manifestacije	10 i 11
	Otvorena vrata - očekuju se prvi gosti	12
	Konkurs za posao	13
	Novosti iz Nove banke	14 i 15
	Iz Vlade Tuzlanskog kantona	17 i 18
	Iz firmi članica Komore	19 i 20
	Agencijske novosti	21 i 22



Javni poziv za usavršavanje...

Usavršavanje za NO i UO, prijave za novu grupu

Javni poziv za dostavljanje prijava



KANTONALNA PRIVREDNA KOMORA TUZLA



Kantonalna privredna komora Tuzla prikuplja prijave za novu grupu za Usavršavanje predsjednika i članova nadzornih odbora i uprava privrednih društava sa učešćem državnog kapitala (prema Uredbi Vlade FBiH, "Službene novine F BiH", br. 71/09, 33/10, 23/11, 83/11, 2/13, 80/13, 48/15, 60/16 i 88/17). Početak edukacije je planiran za po formiranja grupe, a u zavisnosti od epidemiološke situacije, organizovat će se u prostorijama Komore u Tuzli ili online putem Zoom platforme, o čemu će odluka biti donesena neposredno pred početak.

Zainteresovani kandidati prijavu mogu izvršiti dostavom prijavnog upitnika (na web stranici Komore: www.kpktz.ba).

Potrebna dokumentacija:

1. prijavni upitnik
2. kopija diplome
3. uvjerenje o radnom iskustvu u struci

Cijena usavršavanja (edukacija, literatura, ispit i certifikacija) je 880,00 KM po polazniku, a informacije o rokovima i načinu uplate bit će Vam dostavljene nakon određivanja datuma početka. Prijave i sve dodatne informacije na mail: edina@kpktz.ba ili putem faxa na broj 035/369-552 ili poštom na adresu Trg slobode bb, 75000 Tuzla.

Kantonalna privredna komora Tuzla
Trg slobode bb, 75 000 Tuzla.

Rok za podnošenje prijava kao i tačan termin početka usavršavanja, biće naknadno utvrđeni, po formiranju nove grupe polaznika.

Upitnik na: <http://kpktz.ba/index.php/vijesti/1601-usavrsavanje-za-no-i-uo-prijave-za-novu-grupu>



Obavještenje kandidatima...

Seminar za pripremanje pravosudnog ispita

Seminar će trajati sedam vikenda - Prijave ostaju otvorene do popune mjesta - Datum početka seminara će se odrediti nakon formiranja grupe



Kantonalna privredna komora Tuzla obavještava sve zainteresovane kandidate da počinje formiranje grupe za organizaciju

Seminara za pripremanje polaganja pravosudnog ispita.

Program seminara provodit će se na osnovu i u okviru Programa polaganja pravosudnog ispita od 11.10.2018. godine i Pravilnika o polaganju pravosudnog ispita od 11.12.2019. godine, izmjene i dopune od 18.3.2020. godine Federalnog ministarstva pravde.

Predavači na seminaru su članovi/ispitivači Komisije za polaganje pravosudnog ispita na nivou Federacije Bosne i Hercegovine.

Seminar će trajati 15 dana (7 vikenda) i obavljat će se u velikoj sali Kantonalne privredne komore Tuzla, uz poštovanje svih epidemioloških mjera, u skladu sa propisima nadležnih organa.

U toku seminara obradit će se materija iz krivičnog prava, građanskog prava sa porodičnim pravom, privrednog prava, upravnog i radnog prava, ustavnog sistema i organizacije pravosuđa. U okviru seminara realizirat će se i praktične vježbe (pismeni radovi) za polaganje pismenog dijela ispita iz krivičnog i građanskog, odnosno porodičnog prava. Nakon završetka obuke, polaznici će dobiti potvrdu o pohađanju seminara za pripremanje polaganja pravosudnog ispita.

Broj mjesta je ograničen na 30 kandidata. Prijave ostaju otvorene do popune mjesta.

Datum početka seminara će se odrediti nakon formiranja grupe (novembar 2022. godine).

Iznos kotizacije je 995,00 KM po polazniku. U cijenu je uračunat i PDV. Navedeni iznos se može platiti u tri rate.

Molimo, ukoliko ste zainteresovani za učešće na navedenom seminaru da popunjenu prijavu, u prilogu, pošaljete na e-mail edina@kpktz.ba ili fax broj 035 369 552.

Kontakt osoba Edina Kurtić, telefon broj 035 369 551.

PRIJAVA na: <http://kpktz.ba/index.php/vijesti/1594-seminar-za-pripremanje-pravosudnog-ispita>



Saradnja sa PK Naples Florida...

„Novi lideri Tuzlanskog kantona“

Komora Tuzla, komora Naples Florida i Kongres Bošnjaka Sjeverne Amerike – Predstavljene aktivnosti Ministarstva privrede, Obrtničke komore TK i Kantonalne privredne komore Tuzla – Treći dan obilježen Dan pravosuđa



Kantonalna privredna komora Tuzla u saradnji sa Kongresom Bošnjaka Sjeverne Amerike i Privrednom komorom Naples Florida iz Sjedinjenih Američkih Država organizirala je prvi ciklus programa za mlade poslovne ljude pod nazivom „Novi lideri Tuzlanskog kantona“.

„Novi lideri Tuzlanskog kantona“ je posebno osmišljen program prepoznavanja i umrežavanja mladih, perspektivnih ljudi u dobi od 21 do 40 godina, koji su se pobliže upoznali sa organizacijom, poslovanjem i funkcioniranjem najvažnijih institucija i organizacija kantona. Od polaznika se očekuje da stečeno znanje, informacije i konekcije ostvarene u ovom Programu koriste za dobrobit cijele naše zajednice. Program se kroz Komorski sistem ove godine realizovao u Tuzlanskom, Sarajevskom, Zeničko-dobojskom i Unsko-sanskom kantonu. Planirano je da ovaj program postane redovna godišnja aktivnost i da se što većem broju mladih ljudi pruži prilika da se upoznaju i povežu u profesionalnom svijetu.

„Sve je počelo na inicijativu Saveza Bošnjaka Sjeverne Amerike i privredne komore Naples sa Floride koja godinama provodi ovakav program povezivanja i upoznavanja mladih ljudi. Prošle godine je ovaj projekt, kao pilot projekt provela Privredna komora USK, a ove godine smo se uključili Kantonalna privredna komora Tuzla, Privredna komora Sarajevo i Privredna komora Zenica. Sam projekat je zamišljen kao prilika da se mladi ljudi koji ulaze u poslovnu zajednicu, kako iz privrednog tako i iz javnog sektora, upoznaju sa ljudima iz drugih institucija, ostvare kontakte i međusobno se upoznaju i povežu. Prvi dan programa polaznici su se upoznali sa institucijama za podršku privredi. Predstavljene su aktivnosti Ministarstva privrede, Obrtničke komore TK i Kantonalne privredne komore Tuzla na podršci i razvoju Tuzlanskom kantonu. Nakon upoznavanja sa ovim institucijama, organizovana je posjeta BIT centru, najznačajnijem poduzetničkom inkubatoru i tehnološkom parku u Bosni i Hercegovini koji okuplja firme iz IT sektora“ istakla je Edina Kurtić koordinatorka projekta, inače rukovodilac Sektora udruženja Kantonalne privredne komore Tuzla.

Kako je istaknuto na prvoj aktivnosti u Kantonalnoj privrednoj komori Tuzla, ovaj značajan program za ciljeve ima učesnicima dati vrijedne informacije o organizaciji i funkcioniranju kantonalnih i lokalnih izvršnih institucija, kulturnih i umjetničkih organizacija, turističkih i obrazovnih institucija i dr. **„Izgrađena jaka lokalna mreža između svih učesnika u programu, produbljene veze između javnog i privatnog sektora. Institucije i organizacije prepoznate i priznate kao podrška mladim profesionalcima i firmama TK“**, istakla je Kurtić.

Narednim aktivnostima predviđeno je da se polaznici upoznaju sa institucijama kulture, pravosuđa i uprave kao i sa nekim od najistaknutijih privrednih subjekata koji posluju u našem kantonu.





Drugi dio aktivnosti programa „Novi lideri Tuzlanskog kantona“

Polaznici upoznati sa institucijama kulture, pravosuđa i uprave - Upriličena posjeta i Ministarstvu za kulturu, sport i mlade Tuzlanskog kantona



Realizovane su i aktivnosti u okviru drugog dijela programa „Novi lideri Tuzlanskog kantona“ a u kojem učestvuje Kantonalna privredna komora Tuzla. Nakon što je organiziran prvi ciklus programa za mlade poslovne ljude polaznici su u drugom dijelu upoznati sa institucijama kulture, pravosuđa i uprave kao i sa nekim od najistaknutijih privrednih subjekata koji posluju u našem kantonu. **“Mi smo nastavili planirane i Programom predviđene aktivnosti. Na naše veliko zadovoljstvo i zadovoljstvo naših polaznika, imali smo priliku posjetiti JU Muzej istočne Bosne Tuzla. Izuzetno ugodan razgovor sa domaćinima, vrlo pozitivna atmosfera i zanimljive informacije o ustanovi koja je osnovana još 1947. godine. Jedna kompleksna naučna, kulturna i obrazovna institucija, s funkcijom proučavanja, čuvanja i prezentacije kulturnih vrijednosti, nacionalne kulturne baštine i tradicije svih naroda koji žive na prostoru Tuzlanskog kantona a koja danas opstaje i djeluje u veoma složenim uslovima i sa entuzijastima koji se nesebično ugrađuju u očuvanje ove značajne institucije za širu regiju”**, izjavila je Edina Kurtić koordinator projekta, inače rukovodilac Sektora udruženja Kantonalne privredne komore Tuzla.



Značajno je pomenuti da upravo do te 1947. godine, kada je osnovan, do danas, Muzej istočne Bosne radi u veoma otežanim i neadekvatnim uslovima. Kako je istakao Ljubiša Veljković direktor Muzeja istočne Bosne, nikada muzej nije imao vlastiti objekat i do sada je preseljavan 20 puta, uvijek u neodgovarajuće prostore. Ekspoziti su trenutno smješteni u tri objekta na tri različite lokacije u gradu. Nakon toga, upriličena je posjeta i Ministarstvu za kulturu, sport i mlade Tuzlanskog kantona. Sa zaposlenicima ovog kantonalnog Ministarstva se razgovaralo o stručnim i drugim poslovima koje obavljaju, trenutnim aktivnostima Ministarstva, planovima za naredni period.

Lejla Elezović pomoćnik ministra za sport i mlade i Amela Mehmedović pomoćnik ministra za kulturu, dale su polaznicima jasnu sliku uloge i značaja ovog Ministarstva. Domaćin polaznicima programa „Novi lideri Tuzlanskog kantona“ bila je i JU Narodna i univerzitetska Biblioteka “Derviš Sušić” Tuzla. Sanja Dukić i Amela Galešić, prve saradnice Mirne Trifković direktorice Biblioteke, govorile su o istorijatu ove ustanove. Istaknuta je 1946. godina kao godina osnivanja Narodne biblioteke Tuzla, 1986. kao godina osnivanja Univerzitetske biblioteke Tuzla. Od oktobra ratne 1992. godine Biblioteka djeluje kao jedinstvena ustanova – Narodna i univerzitetska biblioteka Tuzla a od aprila 2002. godine Biblioteka ima čast da nosi ime poznatog bosanskohercegovačkog pisca i prijašnjeg direktora Biblioteke, Derviša Sušića. Trećeg dana posjetama pravosudnim institucijama sa područja Tuzlanskog kantona, obilježen je Dan pravosuđa.

D.K.



Postanite energetske menadžer!

European EnergyManager - EUREM



**Delegation der Deutschen Wirtschaft
in Bosnien und Herzegowina**
Predstavništvo njemačke privrede
u Bosni i Hercegovini

Predstavništvo njemačke privrede u Bosni i Hercegovini (AHK) nositelj je licence za provođenje edukacijskoga programa za osposobljavanje energetske menadžera u sklopu projekta EUREM - European EnergyManager.


AHK organizira standardizovani program za obuku energetske menadžera EUREM European EnergyManager. Energetske menadžer identificirat će potencijale za uštedu i primjeniti mjere energetske efikasnosti. Program se temelji na standardiziranim sadržajima o kojima govore ugledni domaći predavači te predstavnici iz prakse.

Certifikat koji polaznici stiču međunarodno je priznat.

Programu edukacije energetske menadžera mogu pristupiti svi zainteresovani uposlenici, koje menadžment odredi ili sami pokažu interes za istim, bez obzira na profesiju ili poziciju unutar firme.

Cjelokupni program stručnog usavršavanja EUREM u prosjeku traje šest do osam mjeseci. Predavanja se odvijaju jednom mjesečno, tri dana za redom od 8:30 do 17:30. Predavanja u prosjeku traju 3 mjeseca, nakon toga slijedi pismeni ispit i odbrana završnog rada. Sadržaj čini sedamnaest obaveznih tema o kojima govore ugledni domaći predavači, te predstavnici renomiranih kompanija.

Početak predavanja predviđen je za mjesec oktobar, a o načinu izvođenja nastave i rasporedu informacije će biti objavljene naknadno. U prilogu Vam dostavljamo prijavni obrazac.



Cijena za učešće:

Član komore AHK: 2.600,00 KM

Ne-član komore AHK: 3.000,00 KM

Certifikat koji učesnici dobijaju je međunarodno priznat, a sam program Eurem je projekat Europske Unije za koji AHK BiH posjeduje licencu.

Obzirom na dobra iskustva iz prethodnih godina, omogućeno je da se sva predavanja mogu odslušati uživo i online, što će Vam sigurno olakšati organizaciju i raspodjelu kapaciteta.

Za sva dodatna pitanja možete kontaktirati na broj telefona 063 528 815 ili putem e-maila na midheta.jejina@ahk.ba.

Prijavni obrazac na web stranici Komore: www.kpktz.ba

AHK BiH



Delegacija Komore u Novom Pazaru...

Moguća saradnja Novog Pazara i Tuzle



Predstavnici Kantonalne privredne komore Tuzla boravili su u Novom Pazaru. Sa potencijalima ovog kraja goste upoznao je prvi čovjek Novog Pazara Nihat Biševac. Biševac je nakon sastanka istakao da je tuzlanski kanton jedan od najrazvijenijih u Bosni i Hercegovini i poznat po industriji, te da ima mogućnosti za dobru i uspješnu privrednu saradnju.

Na sastanku u Gradskoj upravi predstavnicima Kantonalne privredne komore Tuzla, gradonačelnik Nihat Biševac predstavio je potencijale Novog Pazara, prije svega privredne, gdje su gosti poznati kojim djelatnostima se Novopazarci najviše bave, te dodao da je ovo je prvi korak ka uspostavljanju uspješne privredne saradnje Novog Pazara i Kantona Tuzla.

Sastanku su prisustvovali Nedred Kikanović predsjednik Kantonalne privredne komore Tuzla i Edina Kurtić rukovodilac Sektora udruženja Kantonalne privredne komore Tuzla. Istakli su kako u narednom periodu očekuje uspješnu saradnju sa Novim Pazalom u djelatnostima po kojima je ovaj grad poznat. Stanovnicima Tuzle, Novi Pazar je posljednjih nekoliko godina već zanimljiva turistička destinacija, te veliki broj turista dolazi u ovaj grad, koji je bogat kulturno istorijskim znamenitostima. Predsjednik Kikanović je rekao da dobre turističke potencijale ima i Tuzla, koja u narednom periodu očekuje i goste iz Novog Pazara.

Počela primjena elektronske prijave za carinjenje roba...

“Novi provozni kompjuterizirani sistem”



Od 1. avgusta je u BiH počela primjena “Novog provoznog kompjuteriziranog sistema” (NCTS) na nacionalnom nivou. To konkretno znači da se za sve postupke provoza roba carinske deklaracije podnose isključivo elektronski u sistem Uprave za indirektno oporezivanje, a svaka provozna prijava mora biti ovjerena novim digitalnim kvalificiranim potpisom. Zahtjev za dobijanje digitalnog kvalificiranog potpisa kod UIO podnosi se u nadležnom regionalnom centru Uprave gdje poreski obveznik ima sjedište, a procedura za dobijanje i korištenje digitalnog kvalificiranog potpisa UIO je vrlo jednostavna. Bosna i Hercegovina elektronski provozni postupak mora koristiti godinu dana na nacionalnom nivou, nakon čega može aplicirati da postane punopravna članica NCTS konvencije. Tada će i privrednici iz BiH imati olakšane procedure sa puno manjim čekanjima na svim granicama zemalja gdje se roba provози. To konkretno znači uštedu vremena i novca za poslovnu zajednicu. Uprava za indirektno oporezivanje je ranije upozorila sve carinske zastupnike - špeditere da hitno podnesu zahtjev kod UIO za dobijanje digitalnog kvalificiranog potpisa, kojim će od 1. augusta 2022. godine ovjeravati svoje provozne carinske prijave. Kod onih carinskih zastupnika koji ne budu na vrijeme osigurali digitalni kvalificirani potpis Uprave, može doći do zastoja u radu prilikom obrade elektronskih tranzitnih prijava.

D.K.



Najava sajamskih aktivnosti...

Poziv članicama: Nastupi na 4 sajamske manifestacije



- Bihać: 19. sajam "Ekobis" 8. - 11. septembra
- Modriča: „11. Sajam privrede Modriča“, 8. i 9.9.
- Budva: 9. Sajam enegetike, 5-8. oktobra
- Sarajevo: 8. Sajam privrede 8-11.12.

Ukoliko ste zainteresovani za nastup na nekoj od navedenih, značajnih sajamskih manifestacija a u skladu sa vašom djelatnošću i komorkom Udruženje u okviru kojeg djeluje vaša firma pri Komori, potrebno je da nam što prije potvrdite vaše učešće. Također, neophodno je da nam javite i oblik vašeg učešća u zajedničkoj postavci kako bismo znali planirati raspored izložbenog prostora.

S tim u vezi nam trebate javiti da li ćete učestvovati u zajedničkoj postavci, da li će vaši predstavnici putovati na sajmove i na sajmovima prezentovati vaše proizvode, ili ćete odrediti određenu količinu proizvoda i reklamnog materijala, koju će predstavnici Komore ukomponovati u sajamsku postavku. Ovi podaci su potrebni kako bi se moglo pristupiti planiranju prijevoza i organizacije nastupa. Pozivamo vas da prihvatite naše pozive i u narednom periodu doprinesete uspješnom predstavljanju privrede Tuzlanskog kantona na svim sajamskim manifestacijama na kojima Kantonalna privredna komora Tuzla bude organizovala zajednički nastup. Molimo da nam što prije javite vaš odgovor kako bismo mogli izvršiti prijavu na sajmu i uvrstiti firme u katalog izlagača, sve potpuno besplatno.

Pozivamo firme članice Komore, da budete sastavni dio zajedničke postavke privrede Tuzlanskog kantona na nekoliko značajnih sajamskih manifestacija u narednom periodu, a u organizaciji Komore. Kantonalna privredna komora Tuzla će učiniti maksimalne napore da obezbijedi izložbeni prostor, zajednički nastup firmi članica (bez dodatnih troškova izlagača) na slijedećim sajamskim manifestacijama:

Bihać: 19. sajam "Ekobis" 8 - 11. septembra

2. sajam turizma – ECOTOUR - 2. sajam obrta



Međunarodni sajam ekologije – EKOBIS 2022, 19. po redu, održava se od 8. - 11. septembra 2022. godine u Bihaću. Svojim sadržajem i pratećim događajima sajam će biti posvećen temi H2-GORIVO BUDUĆNOSTI. U okviru ovogodišnjeg sajma EKOBIS održat će se i 2. sajam turizma - ECOTOUR, te 2. sajam obrta. Promotivni i prijavni materijali su već izrađeni, a uskoro će krenuti intenzivnija marketinška kampanja. Generalni pokrovitelj ovogodišnjeg sajma je Vlada USK, suorganizator Grad Bihać, a partneri Ministarstvo vanjske trgovine i ekonomskih odnosa BiH, Federalno ministarstvo poljoprivrede, vodoprivrede i šumarstva, Vanjskotrgovinska/Spoljnotrgovinska komora BiH, Privredna/Gospodarska komora FBiH, JP Nacionalni park Una i Obrtnička komora USK.

Glavni medijski pokrovitelj sajma je RTV USK, a medijski partneri RTV Bihać, RSG Radio i akta.ba. Prijavne materijale za 19. međunarodni sajam - EKOBIS 2022. moguće preuzeti na <https://www.pkusk.com>.

„11. Sajam privrede Modriča“, 8. i 9.9.



Obavještavamo Vas da će se jedna od najvažnijih privrednih manifestacija na području opštine Modriča, „11. Sajam privrede Modriča“, održati 8. i 9. septembra 2022. godine, na lokaciji Kulturno-sportskog centra u Modriči (sportska dvorana). Pored



predstavljanja preduzeća raznih djelatnosti, važan dio Sajma su poljoprivredna i turistička ponuda. Poljoprivredni proizvodi, mehanizacija i usluge značajni su za proizvođače i preduzetnike Opštine Modriča kao i gostujuće izlagače i posmatrače, jer je poljoprivreda važan potencijal opšteg razvoja. Pčelari i pčelinji proizvodi, te ponude turističkih agencija uvijek privlače posebnu pažnju, sve bogatijom i konkurentnijom ponudom. Konferencije i razgovori privrednika o aktuelnim tematskim sadržajima iz oblasti proizvodnje i usluga, uz bogat kulturno-zabavni program pokazuju posvećenost organizatora Sajma boljim ostvarenjima privrednika, ali i dobrom gostoprimstvu. Na raspolaganju vam je 1000 m² opremljenog izložbenog prostora unutar Kulturno-sportskog centra i preko 5000 m² vanjskog sajamskog prostora, natkrivenog i otvorenog. Svrha Sajma je da stvara i promovise preduzetnički duh, poveže privredne subjekte sa različitih područja, te poveća konkurentnost privrednog sektora i privredni razvoj.

Sajam će okupiti finansijske institucije, nevladine organizacije i razvojne agencije koje pružaju podršku razvoju malog i srednjeg preduzetništva, uz medijsku promociju. Ovom prilikom Vas pozivamo da na vrijeme rezervišete izložbeni prostor za Vašu firmu i predstavite Vaše proizvode i usluge, te ostvarite nove poslovne kontakte i ugovore. Želimo Vam uspješan nastup na 11. Sajmu privrede Modriča 2022. Organizatori sajma Opština Modriča i Razvojna agencija Opštine Modriča.

Budva: 9. Sajam enegetike, 5-8. oktobra



9. Sajam enegetike



Globalna ekonomija „uči“ da živi, da se odvija i raste i u okolnostima aktivne pandemije. Potražnja na globalnom nivou je premašila očekivanja i prognoze, do mjere da je izazvala zastoje u proizvodnim i logističkim lancima. Nakon gotovo potpunog prekida trgovine uslijed pandemije virusa Covid 19, ulazimo u novu eru, novi početak. Pravo mjesto da odgovorite novim potrebama i željama kupaca u Crnoj Gori i regionu, predstavite Vašu ponudu i mogućnosti, i ubijedite ih da je upravo Vaša kompanija na koju se mogu osloniti je 9. Sajam enegetike, koji će se u organizaciji Jadranskog sajma održati u periodu od 05. do 08. oktobra 2022. godine. Period održavanja je planiran u skladu sa najboljim interesom industrije koja je tema ovog sajma. Na samom kraju turističke sezone, bićete vidljivi brojnim potencijalnim investitorima iz Crne Gore, kao i brojnim gostima, turistima i biznismenima koji u tom periodu borave u Budvi. Pozivamo

Vas da budete učesnik ovog sajma. Biće nam zadovoljstvo da u direktnom razgovoru odgovorimo na sva dodatna pitanja i saslušamo Vaše ideje, sugestije i predloge za koje smatrate da će koristiti uspješnom nastupu Vaše kompanije. Učešće Vaše kompanije na sajmu možete prijaviti slanjem ispunjenog prijavnog materijala na sajam@jadranskisajam.co.me.

Za novi početak vidimo se na Jadranskom sajmu!

Sarajevo: 8. Sajam privrede 8-11.12.



Zadovoljstvo je obavijestiti Vas da KJP Centar "Skenderija" - Sarajevski sajam organizuje 8. Sajam privrede, poljoprivrede i zanatstva & 45. Sajam roba široke potrošnje u terminu od 8. do 11. decembra 2022. godine.

Pozivamo vas da budete sastavni dio zajedničke postavke privrede Tuzlanskog kantona na ovim značajnim međunarodnim sajamskim manifestacijama na kojima Kantonalna privredna komora Tuzla organizuje i sufinansira zajednički nastup, zajedničku postavku "Privreda TK", za svoje članice, bez dodatnih troškova izlagača.

Pozivamo vas da prihvatite naš poziv i doprinesete uspješnom predstavljanju privrede Tuzlanskog kantona na svim sajamskim manifestacijama na kojima Kantonalna privredna komora Tuzla bude organizovala zajednički nastup.

Molimo da nam se javite za sve dodatne informacije, kontakt osoba je Dino Kalesić: 061/164-311. Prijavni materijal na www.kpktz.ba.

Dino Kalesić, sekretar Udruženja za trgovinu,
ugostiteljstvo i turizam
- Rukovodilac Sektora za edukaciju, promociju,
regionalnu saradnju i odnose s javnostima



Kompleks “Muška voda”...

Otvorena vrata - očekuju se prvi gosti

Planirana izgradnja bazena, zoološkog vrta, biciklističkih staza, sportskih terena



Glavnina radova privedena je kraju. Hotelsko-turističko-sportski kompleks “Muška voda” kod Kladnja, otvara vrata i očekuje prve goste. Ponosno je to izjavio Kasim Selimović, dugogodišnji uspješni privredni privrednik, predsjednik Odbora Udruženja za trgovinu, ugostiteljstvo i turizam Kantonalne privredne komore Tuzla i “Erviks” Kalesija. Velikoj porodici uposlenika ove dvije firme, njih skoro 300 stotine, sada će se pridružiti i oni koji će svojim znanjem, entuzijazmom, profesionalizmom, doprinijeti radu, razvoju i uspješnosti kompleksa “Muška voda”. Sa zadovoljstvom je o rekonstrukciji objekta, investiciji, svim poduzetim radovima i planovima, direktor Selimović razgovarao sa Nedretom Kikanovićem predsjednikom Kantonalne privredne komore Tuzla, prilikom njegove posjete Muškoj vodi.

“Mi smo presretni što otvaramo vrata, što možemo reći da smo završili sve potrebne radnje, rekonstrukciju priveli kraju, opremili i oplemenili sadržaje, kako bi primili prve goste u našem kompleksu. I tu se ne zaustavljamo. Imamo još ideja koje želimo provesti u djelo, imamo još zacrtanih planova, sadržaja. Planom radova, razvoja i unaprjeđenja sadržaja, radit će se na izgradnji bazena, zoološkog vrta, biciklističkih staza, sportskih terena. Želja nam je da ponudimo što više našim gostima, da se što ugodnije osjećaju i da ovo ponovo bude jedno prepoznatljivo turističko odredište, mjesto kojem će se sa zadovoljstvom vraćati gosti i planirati ga u svojim godišnjim odmorima, bilo ljeti bilo zimi. Ovo je jedna poznata, dugogodišnja pozitivna priča i o Muškoj vodi ne treba trošiti riječi. Mnogima je poznat značaj ove lokacije sa zdravstvenog aspekta, a mi ćemo se u našem kompleksu potruditi da prijatnom i ugodnom atmosferom, kvalitetnim sadržajima, smještajem, gastronomskom ponudom, toplinom od prijema do izlaska gostiju, postanemo prepoznatljiv i jedna od najreprezentativnijih turističkih destinacija na području Tuzlanskog kantona”, rekao je Kasim Selimović. Posjeta predsjednika Kikanovića i ugodan razgovor sa dugogodišnjim komorskim članom i uglednim privrednikom Kasimom Selimovićem, izrodili su i neke nove ideje. Bilo je riječi o mogućnostima izgradnje dodatnih sadržaja, razmjenjena su

iskustva, savjeti i naravno, upućene čestitke na učinjenom i riječi podrške za naredni period. “Investicija u Mušku vodu je pun pogodak, pravi potez i zasigurno je jedna od značajnijih u posljednje vrijeme. Kasim Selimović je dao jednu posebnu notu ovom izuzetno lijepom i zdravom kraju, oplemenio jednu značajnu destinaciju i donio ono što je bilo potrebno, što je nedostajalo. Iskrene čestitke za smjelost pokretanja i realizacije jednog ovako velikog i skupog projekta. Siguran sam da će ovo biti mjesto okupljanja brojnih žitelja Tuzlanskog kantona, da će i brojne članice Komore biti česti gosti i naši sadržaje po svom ukusu. Želim u ime Kantonalne privredne komore Tuzla i u svoje ime, mnogo sreće u daljem radu, unaprjeđenju ponude, sadržaja, a u dogledno vrijeme i proširenju kapaciteta. Siguran sam da će ovo mjesto biti vrlo brzo prepoznato i među vodećim turističkim destinacijama ne samo na području Tuzlanskog kantona nego i cijele Bosne i Hercegovine”, izjavio je predsjednik Kikanović uručivši i prigodan poklon direktoru Selimoviću.



Ono što je još preostalo jeste kompletiranje radne snage, kadra koji će biti prepoznatljiv i profesionalnim odnosom privući goste i činiti ugodnim njihov boravak u kompleksu “Muška voda”. S tim u vezi, raspisan je i oglas za prijem radnika.

Pripremio: Dino Kalesić



Kladanj: Hotel muška voda...

Konkurs za posao

Oglas za prijem 17 radnika u Hotel muška voda klod Kladnja



Erviks company d.o.o. za turizam, ugostiteljstvo i trgovinu raspisuje konkurs za posao u poslovnoj jedinici HOTEL MUŠKA VODA, Kladanj:

- ŠEF RESTORANA (1 izvršilac) m
- KONOBAR (4 izvršioca) ž/m
- ŠANKER (2 izvršioca) ž/m
- KUHAR (2 izvršioca) ž/m
- POMOĆNI KUHAR (2 izvršioca) ž/m
- RECEPCIONAR (2 izvršica) ž/m
- SOBARICA (2 izvršioca) ž
- DOMAR (2 izvršioca).



Poželjno iskustvo na istim ili sličnim poslovima.

Zainteresovani svoju prijavu mogu poslati na e-mail: posao.hotelmuskavoda@gmail.com ili lično predati na adresi: Tuholj bb Kladanj, Hotel Muška Voda.

Informacije na kontakt telefon sa brojem: 062/893-664.

Konkurs ostaje otvoren do popune radnih mjesta.

D.K.



Novosti iz Nove banke...

Nova banka pokrenula Viber kanal

Novi način informisanja javnosti o aktuelnostima i promocijama



Nova banka AD Banja Luka pokrenula je Viber kanal kao novi način informisanja javnosti o aktuelnostima i promocijama.

Viber je jedna od najpopularnijih svjetskih komunikacionih aplikacija, koja je u ovoj godini, pored standardne razmjene poruka, uvela novu opciju – Viber kanal. Radi se o proizvodu s dodatnom vrijednošću koji postaje sastavni dio digitalnog iskustva korisnika. Nova banka, sa posebnom pažnjom, osluškuje potrebe klijenata i nastoji da im olakša pristup finansijskim uslugama, kao i informacijama o istim. Pokretanjem Viber kanala, u korak sa svjetskim trendovima, Banka nastavlja biti lider u inovativnim rješenjima čije prednosti će prvenstveno osjetiti korisnici.

Viber kanal Nove banke nudi vrijedna i jedinstvena korisnička iskustva. To je novo mjesto za razmjenu informacija, istraživanje i edukaciju o određenim temama. Zvanični naziv kanala je Nova banka AD i može mu se pristupiti skeniranjem QR koda, te praćenjem daljih Viber uputstava ili putem linka <https://bit.ly/3SpbQmM>

Nova banka najavljuje sudske procese zbog pokušaja diskreditacije

Jedan od postulata na kojem se zasniva poslovanje je, svakako, čuvanje poslovne tajne



Jedan od postulata na kojem se zasniva poslovanje je, svakako, čuvanje poslovne tajne. U posljednje vrijeme uočili smo da postoje pokušaji diskreditacije osnovnih postulata na kojima poslujemo. Zbog toga smo u obavezi da pokrenemo sudske procese protiv onih koji svojim nastupima čine reputacijsku štetu Banci. Banka se ograđuje od bilo kakvih političkih kampanja, jer politici u poslovanju Banke nema mjesta”, poručeno je iz Nove banke u saopštenju za javnost. - Nova banka je sistemska značajna banka sa domaćim kapitalom, najveća banka sa sjedištem u Banjoj Luci i treća po veličini u Bosni i Hercegovini. U 2022. godini Nova banka nastavila je kontinuirani rast u svim segmentima, kao banka sa najvećom aktivom i tržišnim učešćem, saopšteno je iz Nove banke. - Ponosno

nastavljamo sve što smo preko dvadeset godina gradili. Ušli smo u novu fazu razvoja, u čijem centru je lakše i jednostavnije poslovanje kako za naše klijente, tako i za zaposlene. Preko 700 zaposlenih nalazi se na usluzi za preko 200 hiljada klijenata, a rast tog broja pokazatelj je izgrađenog povjerenja, dodaje se u saopštenju. Naši postulati poslovanja, kako kažu, kreću od korporativnih vrijednosti. - Ono što ih čini je briga o klijentu, integritet, razvoj zaposlenih, timski rad i dugoročna saradnja. Ove vrijednosti njegujemo i unapređujemo svaki dan. Ni jedna od njih nema alternativu i za svaku se borimo svim snagama, stoji u saopštenju. - U dijelu integriteta posebno ističemo da je naše poslovanje u skladu sa zakonskim propisima Republike Srpske, Bosne i Hercegovine, kao i propisima evropskih regulatora. Redovne sveobuhvatne, ali i ad hock kontrole regulatornih tijela pokazale su da je Nova banka tokom svog cjelokupnog poslovanja djelovala u skladu sa zakonom, podzakonskim aktima i standardima, poručuju iz ove banke. - Sprečavanje pranja novca je imperativ Banke. Na pozicijama sprečavanja pranja novca rade naši najiskusniji kadrovi, a edukacija svih zaposlenih u ovoj oblasti naš je važan interni cilj, naglašeno je u saopštenju. Iz Nove banke poručuju da je banka posvećena stvaranju novih vrijednosti za klijente. - Jedan od postulata na kojem se zasniva poslovanje je, svakako, čuvanje poslovne tajne. U posljednje vrijeme uočili smo da postoje pokušaji diskreditacije osnovnih postulata na kojima poslujemo. Zbog toga smo u obavezi da pokrenemo sudske procese protiv onih koji svojim nastupima čine reputacijsku štetu Banci. Banka se ograđuje od bilo kakvih političkih kampanja, jer politici u poslovanju Banke nema mjesta, poručeno je iz Nove banke u saopštenju za javnost.



Nova donacija Nove banke

Nova banka uručila donaciju Udruženju građana „Mozaik prijateljstva



Banjolučko Udruženje građana „Mozaik prijateljstva“ svakodnevno priprema stotine obroka za korisnike javne kuhinje, a u Novoj banci je prepoznalo stalnog partnera koji kontinuirano podržava njegov rad. Uručena donacija je realizovana na osnovu iskazanih potreba od strane Udruženja i korisnika njegovih usluga. „Donacija koju smo dobili od Nove banke je došla u pravom trenutku i ona je baš usmjerena na pripremu dnevnog obroka. Pomoći da ljudi imaju obrok nije nimalo jednostavno i zato dugujemo veliku zahvalnost Novoj banci“ istakao je Miroslav Subašić ispred udruženja „Mozaik prijateljstva“. Nova banka svojim iskrenim i prijateljskim odnosom pristupa društvenoj zajednici i već godinama se takav odnos održava sa Udruženjem građana „Mozaik prijateljstava“.

„Naše opredjeljenje će i u budućnosti biti podrška za „Mozaik prijateljstva“, ali i slična udruženja koja se bave humanitarnim radom. Istovremeno duboko vjerujem da će naš gest biti primjer i potaknuti druge da pruže podršku i pomoć onima kojima je najpotrebnija, zaključio je Stefan Pajić, rukovodilac korporativnih komunikacija.

Novoj banci uručeno priznanje za najbolji poslovni potez u finansijskom sektoru

Najbolju ocjenu poslovnog poteza dobio je projekat uvođenja usluge e-Novčanik, koja je dostupna u okviru Smart Nova aplikacije, te omogućava beskontaktna plaćanja mobilnim telefonom sa android operativim sistemom

U Sarajevu je portal Indikator.ba, u partnerstvu sa Privrednom komorom Federacije Bosne i Hercegovine, uručio Novoj banci a.d. Banja Luka priznanje za najbolji poslovni potez u finansijskom sektoru tokom 2021. godine. Za prestižnu nagradu, Nova banka je izabrana na osnovu istraživanja novinara i saradnika projektnog tima, uz konsultaciju sa uglednim stručnjacima iz oblasti finansija. U ime Nove banke, nagradu je primio Siniša Adžić, predsjednik Uprave.

Najbolju ocjenu poslovnog poteza dobio je projekat uvođenja usluge e-Novčanik, koja je dostupna u okviru Smart Nova aplikacije, te omogućava beskontaktna plaćanja mobilnim telefonom sa android operativim sistemom. Usluga e-Novčanik korisnicima je dostupna od avgusta 2021. godine, a do danas, od 15 hiljada korisnika aplikacije Smart Nova, njih skoro 2 hiljade digitalizovalo je svoje Mastercard platne kartice.

Povodom uručjenja prestižnog priznanja, gospodin Adžić se u ime 700 radnika Nove banke i u lično ime zahvalio na izboru, te je izjavio: „Inovacije potiču naš rast. Veoma je važno pružiti kvalitetnu uslugu, jer stvaranjem dodatne vrijednosti kroz korisničko iskustvo, ostvaruje se značajna konkurentna prednost. Mi slušamo naše klijente, oni su prvi pokretači inovacionog procesa, jer radimo da zadovoljimo njihove potrebe u domenu poboljšanja performansi postojećih proizvoda, kao i na razvoju novih proizvoda. Međutim, svaka primjena novih tehnologija posljedica je stimulativnog radnog okruženja i njegovanja kulture stvaranja novih ideja, a na to smo posebno ponosni.“

Prednosti modernih digitalnih rješenja prepoznate su od strane korisnika finansijskih usluga, jer putem mobilnih uređaja i WEB aplikacija mogu da obavljaju transakcije u zemlji i svijetu, bez potrebe odlaska u banku, što svakodnevno rezultuje povećanjem broja aktivnih korisnika. Svaka kupovina potvrđena je visokim sigurnosnim standardima, a pruža jednostavnu, brzu i praktičnu metodu plaćanja.

D.K.



Iz Udruženja za poljoprivredu...

Farmeri u problemu

Farmeri sa područja TK najavljuju nestašicu mlijeka zbog suše i divljih svinja



Tuzlanski kanton je vrlo značajan za proizvodnju hrane, posebno mlijeka, a ovogodišnja suša i divlje svinje nanijele su veliku štetu. Hrane za prehranu stoke neće biti dovoljno, a sve to će se odraziti na smanjenje broja grla, ali i pad u proizvodnji mlijeka. U Tuzlanskom kantonu registrovano je 1.350 proizvođača mlijeka koji trenutno imaju probleme s proizvodnjom stočne hrane te prehranom osam i po hiljada muznih grla. Zbog izuzetno teškog stanja, farmeri upozoravaju da bi se bh. tržište moglo susresti s nestašicom mlijeka. **“U protekle tri godine mi bilježimo pad u proizvodnji mlijeka, a nakon proljetnog problema s visokim cijenama đubriva i goriva, što se odrazilo na kvalitet usjeva, sada evidentiramo nove nedaće. Stanje je veoma loše zbog rasta i razvoja, a svoju štetu je nanijela i suša te divlje svinje. One su po prijavama naših članova iz cijelog kantona uništile brojne usjeve”**, kaže za Klix Suad Selimović sekretar Udruženja za poljoprivredu i prehrambenu industriju Kantonalne privredne komore Tuzla.

• **Finansijski gubici i nedostatak mlijeka**

Sav novac i fizičku snagu farmeri iz tuzlanske regije uložili su u proteklom periodu, međutim, u ovom trenutku, njihove parcele sa zasadima uništene su između 30 i 40 posto. Na nekim područjima, šteta je veća za dodatnih 20 posto. **“Prema proračunima, finansijski gubici će biti između 30 i 40 posto, a na sve to ćemo imati i veliku štetu sa silažnim kukuruzom, zbog pojave divljih svinja. Mi ćemo vjerovatno morati smanjivati brojno stanje grla u našim štalama jer nemamo dovoljno kabaste hrane za prehranu stoke. Ova suša utječe i na proizvodnju mlijeka, jer krave na visokim temperaturama ne mogu jesti”**, ističe Eldin Glibanović predsjednik Grupacije mljekara TK pri komorskom Udruženju. Stočarstvom i proizvodnjom žita dugi niz godina se bavi Fedahija Hrnjić iz Sapne, koji je ove godine na 12 hektara zemlje posijao kukuruz te 30 duluma pšenice i ječma. Raspolože i sa 25 grla krupne stoke te 150 komada ovaca, a kako kaže, izostanak kišnih padavina, poljoprivrednicima ne može donijeti ništa dobro. **“U regiji iz koje dolazim imamo**

određene parcele na kojima zemljoradnici sada nemaju šta tražiti jer je sve uništeno. Na brdskim predjelima štete su veće od 60 posto, a posebno problematična je pojava divljih svinja zbog kojih u kukuruzima moramo držati noćne straže. Ukoliko jednu noć ne odemo, sutra u kukuruzištu nemamo šta tražiti”, kaže Hrnjić.

• **Apel nadležnima**

Za razliku od Republike Srpske, divlja svinja u Federaciji BiH nije proglašena štetočinom. Zbog toga su poljoprivrednici iz Tuzlanskog kantona uputili zahtjev resornom entitetskom ministarstvu za njeno proglašenje štetočinom, što bi lovcima omogućilo odstrel tokom cijele godine. Također, poljoprivrednici i farmeri iz tuzlanske regije na vrijeme su pokušali sugerisati nadležnim institucijama na federalnom i kantonalnom nivou, kako bi se do jeseni obezbijedila dovoljna količina kabaste stočne hrane, a sve u cilju očuvanja stočnog fonda u Tuzlanskom kantonu.



klix.ba



Iz Vlade Tuzlanskog kantona...

Partnerskim odnosom Vlade TK i privrede zadržati povoljan poslovni ambijent



Sastankom i dogovorom o budućim zajedničkim aktivnostima Vlade TK i privrednih društava u pogledu zaštite privrednih subjekata i prevencije negativnih posljedica Odluke Vijeća Ministara BiH, Vlada TK je potvrdila svoju orijentiranost ka partnerstvu sa privredom i poslodavcima. Na sastanku su premijeru Irfanu Halilagiću, ministru finansija Suadu Mustajbašiću i pomoćniku ministra privrede Suadu Bašiću, predstavnici kompanija SodaSisecam, Rudnik mrkog uglja Banovići d.d., Lukavac cement d.o.o., Solana d.d. i Širbegović Inženjering d.o.o. prezentirali su negativne efekte koje će po izvoz i ukupno poslovanje, te razvoj privrede imati primjena Odluke Vijeća ministara BiH o provođenju Zakona o carinskoj politici Bosne i Hercegovine, a kojom se ograničava vrijeme izvoza i onemogućava pojednostavljeni postupak carinjenja.

Kako su obrazložili predstavnici privrednih društava, iako i novi Zakon o carinskoj politici u BiH propisuje pojednostavljene carinske postupke na isti način kao i trenutno važeći Zakon, te propisuje da neki od trgovinskih ili službenih dokumenata u koje spada i faktura, mogu zamijeniti carinsku deklaraciju, spornom Odlukom Vijeća ministara BiH se, u suprotnosti sa Zakonom o carinskoj politici u BiH, propisuje da se ti dokumenti ne mogu koristiti kao pojednostavljena carinska deklaracija.

„Provođenjem navedene nezakonite Odluke smanjiti će se izvoz od 25% do 40% za najveće izvoznike u Bosni i Hercegovini koji imaju odobren pojednostavljeni postupak carinjenja“, procjene su privrednika.

Premijer Halilagić je izrazio razumijevanje za problem s kojim će se susresti privrednici ukoliko dođe do primjene ovakve odluke. Istaknuo je da bi takva odluka znatno pogoršala poslovni ambijent u cijeloj Bosni i Hercegovini, ali posebno u Tuzlanskom kantonu.

„Ovakva odluka svako će imati efekte na privredu cijele BiH, ali posebno Tuzlanskog kantona, koji ima značajan broj izvozno orijentiranih kompanija i kojima su dosadašnjepojednostavljene procedure omogućavale brže poslovanje i razvoj. Posmatramo li samo prvi kvartal ove godine, ukupni izvoz iz Tuzlanskog kantona iznosio je više od 600 miliona KM što je za 35,3% više u odnosu na nominalnu vrijednost izvoza u istom periodu 2021. godine, a pokrivenost uvoza izvozom je 88,84%. Ako uz to pogledamo da najviše vanjskotrgovinske razmjene ostvarujemo u okviru prerađivačke industrije, posebno metaloprerađivačke i hemijske, shodno industrijskom karakteru naše privrede, onda možemo samo zamisliti kakve bi negativne posljedice na našu privrednu sliku ostavila primjena sporne Odluke Vijeća ministara BiH. U cilju prevencije takvih dešavanja mi u Vladi Tuzlanskog kantona ćemo, iako ovo pitanje nije u našoj nadležnosti, sagledati mogućnosti i na svaki mogući način, uz inicijativu Vlade, koju ćemo uputiti Vijeću ministara, putem konekcija koje imamo u Vijeću ministara, te naših poslanika u Parlamentarnoj skupštini BiH nastojati da zaštitimo i pomognemo privredu“, kazao je premijer Halilagić.

Na kraju sastanka predstavnici privrede su izrazili zadovoljstvo susretom, izraženim razumijevanjem i dogovorom koji je postignut.

„U ime svih prisutnih privrednih subjekata i u ime Solane d.d. moramo izraziti zadovoljstvo današnjim sastankom i spremnošću premijera i Vlade Tuzlanskog kantona da promptno odgovore na ovaj problem koji bi mogao pogoditi privredu našeg kantona“, kazao je rukovodilac prodaje i marketinga u Solana d.d. Adnan Pirić.

U ime privrednih subjekata sastanku su uz Pirića prisustvovali i izvršni direktor za lanac snabdijevanja u Sisecamsoda Lukavac d.o.o. Sead Pašić, generalni direktor Rudnik mrkog uglja Banovići d.d. Banovići Elvir Salihović, direktor finansija u Lukavac cement d.o.o. Damir Imamović i pravnik u Sisecamsoda Lukavac d.o.o. Alma Jašarević.

Stvaranje preduslova za obavljanje izvozno orijentirane djelatnosti



Vlada Tuzlanskog kantona je, u skladu sa ranijim dogovorima sa predstavnicima izvozno orijentiranih privrednih subjekata, prihvatila Inicijativu Ministarstva privrede Tuzlanskog kantona za izmjenu Odluke o provođenju Zakona o carinskoj politici u BiH. Vlada Tuzlanskog kantona je, u skladu sa ranijim dogovorima sa predstavnicima izvozno orijentiranih privrednih subjekata, prihvatila Inicijativu Ministarstva privrede Tuzlanskog kantona za izmjenu Odluke o provođenju Zakona o carinskoj politici u BiH. **“Od nadležnih organa Bosne i Hercegovine Vlada TK je zatražila da se Odluka o provođenju Zakona o carinskoj politici**



u Bosni i Hercegovini uskladi sa odredbama Zakona o carinskoj politici u BiH, odnosno da se zadrži pojednostavljeni postupak carinjenja po fakturi, koji se trenutno primjenjuje”, saopšteno je iz ureda Vlade TK.

Ministarstvo privrede Tuzlanskog kantona je zaduženo da Zaključak, zajedno sa Informacijom uputi Ministarstvu vanjske trgovine i ekonomskih odnosa BiH i Ministarstvu finansija BiH sa preporukom da, u skladu sa svojim nadležnostima pripreme Vijeću ministara BiH prijedloge za izmjenu i dopunu Odluke o provođenju Zakona o carinskoj politici BiH kojim bi se otklonili konstatovani problemi koji nastupaju zbog ukidanja pojednostavljenog postupka carinjenja i ograničenja vremena izvoza sa 24 sata dnevno tokom sedam dana u sedmici, na 10 sati dnevno tokom šest dana u sedmici.

O Zaključku će biti upoznata i Vlada Federacije BiH sa zamolbom da, u okviru svojih nadležnosti, također inicira usklađivanje predmetne Odluke o provođenju Zakona o carinskoj politici u Bosni i Hercegovini sa odredbama Zakona o carinskoj politici u Bosni i Hercegovini.

50% mandata, 78% ispunjenih obećanja



Tokom prethodnih nešto više od četiri mjeseca rada, Vlada Tuzlanskog kantona ispunila je 14 od ukupno 18 mjera koje su obećane u ekspozeu premijera Tuzlanskog kantona. „Radi se o oko 78% uspješnosti realizacije za oko 50% mandata, koliko je proteklo od imenovanja, do općih izbora u Bosni i Hercegovini planiranih u oktobru tekuće godine”, kazao je na redovnoj mjesečnoj konferenciji za medije premijer Tuzlanskog Kantona Irfan Halilagić i dodao da je Vlada, „nakon što je u prva dva mjeseca svog mandata u realizirala 8, u trećem mjesecu mandata realizirala i slijedeće 3 mjere, da bismo u četvrtom mjesecu počeli sa izdavanjem elektronskih zdravstvenih knjižica, ukinuli smo prafiskalni namet – naknadu za općekorisne funkcije šuma, te plaće uposlenih u oblastima obrazovanja povećali za 9,5% u odnosu na mjesec decembar 2021.godine. Mjesečni press 01 28 07 2022U prva četiri mjeseca smo, od ukupno 18 mjera, realizirali njih 14 ili oko 78%. Kako je akcentirano uvođenje elektronskih zdravstvenih knjižica znači kraj birokratskog procesa i početak jedne nove ere za osiguranike na području TK. Najveće benefite

elektronske zdravstvene legitimacije će imati osiguranici, ali će se ovim sistemom i unaprijediti cjelokupan sistem zdravstvene zaštite.

„Kako bi domovi zdravlja, čiji su osnivači inače gradovi i općine, što spremniji ušli u ovaj proces, Vlada, Ministarstvo zdravstva i Zavod zdravstvenog osiguranja osigurali su dodatnih 600.000 KM za nabavku oko 240 računara neophodnih za integraciju domova zdravlja u ovaj informacijski sistem”, pojasnio je premijer Halilagić. Posebna pažnja tokom proteklih mjesec dana posvećena je saradnji sa privrednicima. Rezultat toga su izmjene i dopune Zakona o šumama, čime je ukinuta naknada za općekorisne funkcije šuma. Radi se o naknadi u visini od 0,04% ukupno ostvarenog prihoda, koju su plaćala sva pravna lica registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona. „Ovim izmjenama Zakona ispunili smo dugogodišnju inicijativu poslodavaca i privrednika u našem kantonu, te im pružili direktnu pomoć rasterećenjem rada. Prema određenim procjenama ukidanjem ovo nameta privrednicima sa područja Tuzlanskog kantona poslovanje je rasterećeno za oko 3,5 miliona KM na godišnjem nivou, što je i ujedno poticajna mjera”, kazao je premijer Halilagić. Također premijer je dodao da je Vlada na inicijativu izvozno orijentiranih privrednika inicirala i izmjenu Odluke o provođenju Zakona o carinskoj politici u BiH. „Zatražili smo da se zadrži pojednostavljeni postupak carinjenja po fakturi, koji se trenutno primjenjuje. Njegovim ukidanjem, što predviđa Odluka Vijeća ministara, nastupili bi brojni negativni efekti po izvoz i ukupno poslovanje, te razvoj privrede. Njom se ograničava vrijeme izvoza i onemogućava pojednostavljeni postupak carinjenja, a takvim postupanjem, za najveće izvoznike u Bosni i Hercegovini koji imaju odobren pojednostavljeni postupak carinjenja, smanjio bi se izvoz za 25% do 40%”, objasnio je premijer Halilagić. Također, tokom posljednjih dana Vlada je sa sindikatima potpisala sporazume kojima se predviđa povećanje plaća za 9,5% u odnosu na obračun iz decembra 2021.godine. Kada je u pitanju realizacija do sada već realiziranih mjera, danas je istaknuto da je započela isplata porodijskih naknada, te da su sredstva Federalnom zavodu PIO/MIO transferirana i da će penzioneri sa najnižim penzijama uz julsku penziju dobiti i pomoć Vlade TK u iznosu od po 100 KM. „Od preostalih mjera moramo istaknuti da smo već pružili partnersku ruku Univerzitetu u Tuzli da snažnije i hrabrije zakorače u projekat izgradnje Kampusu Univerziteta u Tuzli, čime smo značajno započeli i realizaciju slijedeće mjere”, kazao je premijer Halilagić. Na konferenciji istaknuto je da realizacija preostalih mjera uopće nije upitna, te da je ona uslovljena određenim terminima i datumima, kao što su početak školske i akademske godine.

Odjeljenje za informisanje
Vlade Tuzlanskog kantona



Iz firmi članica Komore...

Nova ovlaštenja za "Proinspekt"



Firma PROINSPEKT d.o.o. Tuzla, članica Kantonalne privredne komore Tuzla, dobila je ovlaštenje za obavljanje stručnih poslova iz zaštite na radu od strane Federalnog ministarstva rada i socijalne politike. Firma Proinspekt d.o.o. Tuzla pruža takođe usluge iz zaštite od požara uključujući obučavanja kao i sva ispitivanja i servisiranje vatrogasne opreme.

Firma Proinspekt d.o.o. Tuzla može pružiti kompletne usluge vođenja, obučavanja i ispitivanja iz zaštite na radu i zaštite od požara, takođe u okviru sektora konsaltinga pružamo usluge savjetovanja iz međunarodnih standarda BAS EN ISO 9001; 45001 i 14001.

Za sve ostale informacije posjetite našu web stranicu www.proinspekt.ba ili nas direktno kontaktirajte putem tel.061 649 420; 035 252 647; i putem meila: info@proinspekt.ba.

D.K.

Globalno poznati Virgin Pulse

Zahvaljujući brzom internetskoj mreži u Tuzli poslujemo jednako kvalitetno kao i u SAD-u



Danas je moguće putem mobilnog uređaja i računara u bilo kojem trenutku biti povezan s drugim krajem svijeta. Takva globalna povezanost omogućuje kompanijama da svoje poslovanje šire u različite dijelove svijeta, a to je učinila i vodeća svjetska tvrtka koja nudi digitalna rješenja za zdravlje i zadovoljstvo zaposlenika, Virgin Pulse, koja je svoju najveću podružnicu van Sjedinjenih Američkih Država otvorila upravo u Tuzli gdje zapošljava više od 500 ljudi. U razgovoru sa Jasminom Poljićem, Lead Cloud Systems engineerom saznajemo da putem svojih digitalnih rješenja, Virgin Pulse poslodavcima širom svijeta omogućava da svojim zaposlenicima poboljšaju životne navike stvarajući okruženje koje potiče njihovo mentalno i fizičko zdravlje. „**Za kreiranje, održavanje i praćenje svojih digitalnih proizvoda Virgin Pulse zahtjeva mnoge resurse, a među najvažnijima se u prvom redu ističe snažna povezanost – ona internetska.**“

„**Virgin Pulse korisnicima svojih digitalnih proizvoda i usluga, ujedno najvećim svjetskim kompanijama, poput Coca-Cole, Siemensa, Nestlea, SAP-a, USB Banke, omogućava unaprjeđenje zdravih navika zaposlenika kako bi se time povećala i njihova produktivnost na poslu, što posljedično utiče i na poslovne rezultate kompanije, korisnika usluge.**“ S obzirom da je riječ o tehnološki kompleksnim rješenjima, Poljić nam kaže kako njihov kvalitetan rad i saradnja sa cijelim svijetom ne bi bili mogući bez snažne i stabilne internet veze koja je oslonac za sve njihove digitalne potrebe.

„**Virgin Pulse s Telemachom saraduje od 2017. godine. Telemach BH je naš primarni pružalac internet usluge kojeg smo od prvog trenutka prepoznali kao najboljeg ponuđača internet konekcije u Bosni i Hercegovini. Kvalitetna, partnerska saradnja vidljiva je u svim segmentima poslovanja, a posebno nam je važna sigurnost i stabilnost koju nam Telemach pruža kroz dostupnost usluge i cjelokupne podrške 24/7**“, navodi Poljić.

„**Od značaja nam je i to što imamo pristup najvećim brzinama na tržištu – koristimo više priključaka na više lokacija (Sarajevo i Tuzla) i to na optičkoj mreži, s brzinom do 1Gbps. Riječ je o brzinama čak 40 puta većim u odnosu na prosječne internet brzine na tržištu, iako Telemach u Bosni i Hercegovini nudi i manje pakete, za kompanije kojima nisu**



nužne 'svemirske brzine', zaključuje Poljić.

U najmanjem Telemach BH paketu minimalna brzina interneta je 200 Mbps, ali i ta najmanja brzina je čak četiri puta veća od drugih ponuda dostupnih na tržištu, dok standardna ponuda u paketima Telemach BH ide do 500 Mbps. Ove brzine su rezultat ulaganja više od 200 miliona eura uloženi u različite infrastrukturne projekte tokom proteklih 12 godina, čime se Telemach BH pozicionirao kao tehnološki lider i najveći investitor u digitalizaciju zemlje.

Telemachov je cilj biti uz rame uz rame sa naprednim, informatički i digitalno najpismenijim društvima, a u prilog tom cilju ide i saradnja s globalnim liderima poput Virgin Pulsea koji zahvaljujući Telemachovoj mreži u Bosni i Hercegovini može voditi poslovanje jednako kvalitetno kao i u SAD-u. No, preduslov toga je upravo digitalizacija zemlje te unaprjeđenje njenog tehnološkog i ekonomskog razvoja. Zahvaljujući kontinuiranim ulaganjima u mrežnu infrastrukturu koja je osnova za najnaprednije tehnologije i najbolju mrežnu uslugu, Telemach BH partner je velikom broju kompanija koje su lideri na svjetskom i domaćem tržištu te im omogućava da preko njegovog brzog interneta svoje usluge pružaju još bolje, još brže te još većem broju ljudi.

Biznisinfo.ba

BH Telecom ulazi u posao proizvodnje struje



BH Telecom je započeo pripreme za proizvodnju električne energije iz obnovljivih izvora.

Strategija u vezi s tim već je osmišljena i izvršen uvid u raspoložive potencijale za pokretanje tog novog biznisa. Fotonaponske ćelije biće postavljene na svim objektima ovog mobilnog operatora poput poslovnih zgrada, baznih stanica, na vlastitom zemljištu itd. Na taj način biće ojačana sigurnost opskrbe energijom, povećana energijska efikasnost, smanjena ovisnost o kontinuiranom napajanju iz konvencionalnih izvora, povećana domaća proizvodnja i korištenje obnovljivih izvora energije. Proizvodnja vlastite energije uticat će na smanjenje operativnih troškova mreže i održavanje profitabilnosti vlastite kompanije, piše portal Indikator.ba.

Ovaj projekat biće prezentiran na Trećem savjetovanju Bosanskohercegovačkog komiteta međunarodne elektrodistribucijske konferencije (CIRED) zakazanom za jesen ove godine u Mostaru. Njegovi detalji sadržani su u radu čiji

su autori stručnjaci BH Telekomata Fatima Skaka – Čekić, Adis Čolpa, Naida Pačo, Aida Mujezinović, Alma Skopljak-Ramović i Memsud Dedović. Na mostarskom skupu biće prezentiran na sesiji studijskog komiteta koji se bavi distribuiranom proizvodnjom i efikasnim korištenjem električne energije.

Prema spoznaji autora najveći izazovi ovog projekta ogledaju se u tome kako na praktičan, efikasan i ekonomičan način postići integraciju fotonaponskih panela u okviru postojećih energetskih kapaciteta BH Telekomata, a optimizirati raspored panela u ograničenim prostornim uslovima kod baznih stanica, te minimizirati mogućnost fizičkog oštećenja.

Rastući energetski izazov za BH Telecom je eksponencijalni rast prometa koji će 5G usluge izazvati. Iako je 5G standard energetski efikasniji od 4G standarda, predloženi 5G slučajevi upotrebe i novi opsezi zahtjevat će mnogo više mobilnih lokacija, nadmašujući potencijalnu energijsku efikasnost. Autori su se suočili sa činjenicom da će cijena električne energije rasti, a na osnovu sagledavanja ostalih izazova i potencijala u prilici su da već sada mogu konkretnije govoriti o tim izazovima i rješenjima pri implementaciji obnovljivih izvora energije.

Bosanskohercegovački ogranak CIRED-a djeluje u okviru udruženja bh. elektroenergetičara (CIRED) čiji je upravni odbor prošle sedmice analizirao pripreme za održavanje savjetovanja u Mostaru. Tom prilikom predsjednik Komiteta CIRED Edhem Bičakčić izrazio je zadovoljstvo nad činjenicom da će na skupu biti prezentiran rekordan broj od 70 stručnih radova. Uvidom u njihove naslove Indikator.ba zaključuje da je još desetina njih osim za stručnu javnost poput ovoga interesantna i za građane kao male potrošače.

indikator.ba



Agencijske novosti...

Proizvodnja struje u junu smanjena za 8,4, a uglja porasla 19,2%



Bruto proizvodnja električne energije u Federaciji Bosne i Hercegovine u junu 2022. godine iznosila je 556 GWh, a u istom mjesecu 2021. godine iznosila je 607 GWh, što je manje za 8,4 posto. U ukupnoj bruto proizvodnji električne energije hidroelektrane su učestvovala sa 28,24 posto (157 GWh), termoelektrane sa 67,8 posto (377 GWh), a vjetroelektrane sa 3,96 posto (22 GWh). Proizvodnja mrkog uglja u FBiH u junu ove godine iznosila je 390.333 tone, dok je u istom mjesecu lani proizvodnja iznosila 327.504 tone, što je rast za 19,2 posto. Proizvodnja lignita u junu je iznosila 144.630 tona, au istom mjesecu lani 142.482 tone, što je rast za 1,5 posto. U istom razdoblju proizvodnja koksa iznosila je 72.392 tone, a godinu ranije 80.751 tona, što je manje za 10,4 posto.

Od ukupnog uvoza naftnih proizvoda najviše je uvezeno dizel goriva 72.433 tone, zatim bezolovnog motornog benzina 13.455 tona, te lož ulja 3.346 tona, saopćeno je iz Zavoda za statistiku FBiH.

U BiH za pola godine uvezeno kafe za skoro 66 miliona KM

Bosna i Hercegovina je za pola godine, tačnije, do kraja juna uvezla kafu u vrijednosti većoj od 65,8 miliona KM, najviše iz Brazila, na šta je potrošeno više od 38 miliona KM, pokazuju podaci Uprave za indirektno oporezivanje (UIO) BiH. Prema tim podacima, BiH je za prvih šest mjeseci ove godine uvezla 9,51 milion kilograma kafe, od čega je iz Brazila stiglo 5,32 miliona kilograma. "U istim periodu BiH je prošle godine uvezla 10,76 miliona kilograma kafe, u vrijednosti većoj od 39,4 miliona", navodi se u podacima UIO. Osim iz Brazila, kafa je stizala i iz Italije, Indije, Vijetnama, Perua, Kube te Hrvatske. U prošloj godini uvezeno je nešto više od 22 miliona kilograma kafe, u vrijednosti od 97,1 milion KM.



Drvni briketi ipak mogu iz BiH, privremeno ukinute carine na uvoz električnih auta



Vijeće ministara Bosne i Hercegovine je usvojilo izmjene ranije donesene odluke o zabrani izvoza određenih šumskih drvnih sortimenata, ogrevnog drveta i proizvoda od drveta. Po novom, zabrana se ne odnosi na drvene brikete, koji su bili obuhvaćeni prethodnom odlukom. Razlog omogućavanja izvoza drvnih briketa iz BiH je što na bh. tržištu nema zainteresovanih kupaca za njih. Osim ove, Vijeće ministara BiH je usvojilo i odluku kojom se privremeno ukidaju carine na uvoz električnih automobila i smanjuje carina na uvoz hibridnih automobila, i to do kraja godine. Ovo je urađeno nakon takve inicijative Vanjskotrgovinske komore BiH. - Odlukom se do kraja godine ukida carina na uvoz električnih automobila u BiH i značajno smanjuje carinska stopa za uvoz hibridnih automobila sa dosadašnjih 15 na pet posto - saopćeno je iz Vijeća ministara. Cilj je motivacija na kupovinu i uvoz ove vrste automobila, s ciljem smanjenja zagađenja zraka i zaštite životne sredine. - Istovremeno bi zbog porasta uvoza električnih i hibridnih vozila u BiH trebalo doći do otvaranja novih

radnih mjesta kod ovlaštenih trgovaca ili servisa, ali i porasta ulaganja u električne punjače - dodaju iz Vijeća ministara.

D.K.



GV Tuzla usvojilo izmjene i dopune...

Tuzla uvodi plaćanje parkinga putem mobilne aplikacije

Stvoreni su uslovi za plaćanje parkinga putem SMS poruka



Gradsko vijeće Tuzla je usvojilo izmjene i dopune Odluke o javnim parkiralištima kojom se omogućava uvođenje plaćanja parkinga putem mobilne aplikacije i SMS poruka. Ovaj problem sa kojim su se svi građani, ali i turisti susretali dok su tražili parking, nervirali jer nisu imali sitan novac, će ubuduće biti riješen na dva načina.

“Jedan od problema u Tuzli jeste naplata javnog parkinga. Postojeći sistem naplate je zastario i nepraktičan je. Prateći tehnološke trendove i potrebe tržišta, u septembru mjesecu sam na sjednici Gradskog vijeća predložio uvođenje jednog novog načina plaćanja parkinga, i to putem mobilne aplikacije, što predstavlja novitet u BiH koji je brži, jednostavniji, praktičniji, efikasniji i sigurniji”, Anel Ibeljić, Vijećnik u Gradskom vijeću – Grad Tuzla.

Implementacijom ove inicijative građanima će biti omogućeno plaćanje dnevnih parking karti izdatih od strane kontrolora, ali i velikog broja posebnih parking karata poput mjesečnih, godišnjih, stanarskih, povlaštenih i slično. Dodatna vrijednost plaćanja aplikacijom je i ekološka osviještenost s obzirom na to da se pri plaćanju parkiranja aplikacijama ne koriste papirne potvrde. Pored plaćanja parkinga putem mobilne aplikacije, stvoreni su uslovi za plaćanje parkinga putem SMS poruka, na inicijativu vijećnice Sabihe Mujkanović Mujačić iz 2018. godine.

“Prije četiri godine sam tražila od Javnog preduzeća SiK da omogući građanima plaćanje parkinga putem SMS poruka. Drago mi je, što se konačno krenulo u realizaciju te inicijative. Sve veći broj građana koristi mobilne uređaje za kupovinu i plaćanje usluga. Građani nemaju uvijek sitan novac, često moraju napustiti obaveze zbog kojih su tu da bi produžili parking, a naročito je lakše za one građane koji svoje obaveze završavaju na mjestima udaljenim od mjesta parkiranja”, rekla je Sabiha Mujkanović Mujačić, Vijećnica u Gradskom vijeću – Grad Tuzla.

Prateći sve trendove koji bi građanima mogli olakšati u rješavanju ovog problema, Javno komunalno preduzeće “Saobraćaj i komunikacije” Tuzla, početkom marta ove godine pokrenulo je postupak javne nabavke “platforme” koja će omogućiti plaćanje parking prostora putem mobilne aplikacije

i SMS porukom, a koja bi u konačnici mogla biti u upotrebi već sredinom ljeta.

“Bez obzira što mi na svakom parkiralištu imamo parking automate, jednostavno za tu uslugu treba i sitan novac, tako da kada se neki sastanak produži da ne moraju izlaziti na automat platiti nego mogu i putem platforme, odnosno aplikacije koja će biti u sklopu te platforme platiti tu uslugu. Ovaj vid naplate korisnicima omogućava jednostavnije plaćanje dok ih sistem upozorava na istek vremena. Vjerujem da će se ova investicija vrlo brzo isplatiti i čestitam menadžmentu na donošenju ove Odluke”, kazao je Nedžad Malikić, direktor JKP “Saobraćaj i komunikacije” Tuzla.



D.K.



Led display na zgradi Komore...

NOVA USLUGA ČLANICAMA I FIRMAMA U TK



Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led displayu po povoljnim uslovima.

POSTANITE PARTNER KANTONALNE PRIVREDNE KOMORE TUZLA!!!
OGLASITE SE NA NAŠEM LED DISPLAY PROSTORU!!!
ISKORISTITI IZUZETNO POVOLJNE GODIŠNJE I ŠESTOMJESEČNE PONUDE!!!
POSEBNE POGODNOSTI ZA FIRME ČLANICE KOMORE!!!

Kantonalna privredna komora Tuzla


Kontakt osoba: Dino Kalesić

mob: 061/164-311

tel: 035/369-562


mail: dino@kpktz.ba

POSJETITE NAS! DOĐITE DA SE DOGOVORIMO!!!





THE CHAMBER OF ECONOMY OF TUZLA CANTON



TUZLA CANTON

Your Business Partner

